


周易時論合編



五 運 約 圖



河圖十數配于旋而相對。先從甲巳化土起而順生以化。即所云五種氣交互于兩間。漢交坤艮。是一徵也。謂三月建辰以龍王化者泥。○岐伯曰。太過者其數成不及者其數生。土常以生也。此本河圖以一二三四五為生數。六七八九十為成數。王冰曰。土旺四季。不得正。天有九宮。不可至十。故土止言五。今歷迎氣所紀是也。其曰災一宮災三宮災七宮災五宮者。本洛書也。

五藏 肝心脾 陰也 六府

勝大小腸 陽也 首陽身陰而水陽下 火陰

上 負陰抱陽而背陽腹陰

陽中陽心也 陽中陰肺也 陰中陰腎也 陰中陽肝也 陰中至陰脾也 形藏

四 一頭二耳目 神藏五

心藏神 肺藏魄 肝藏魂 脾藏意 腎藏志 又曰脾藏意與腎藏精與志謂七神是

曰九藏 手陽足陰腰以下陰

上陽以下陰

少陽寅相火三焦

三焦表裡

少陽申相火膽

膽表裡

手三陰從臍走手

陽明卯燥金大腸

陽明酉燥金胃

手三陽從手走頭

手

太陽辰寒水小腸

太陽戌寒水膀胱

足三陽從頭走足

厥陰巳風木心包

厥陰亥風木肝

膀胱表裡

足三陰從足走腹

陽

少陰午君火心

少陰子君火腎

太陽太陰為開

陽明厥陰為闔

太陰未濕土肺

太陰丑濕土脾

脾表裡

少陽少陰為樞

木仁魂鼻肝

筋爪

淚目

呼臊

酸怒

火禮神色心

脉色

汗舌

言焦

苦喜

土信意形脾合肉榮唇液涎竅口聲歌臭香味甘志思

金義魄味肺

皮毛

涕鼻

哭腥

辛憂

水智精聲腎

骨髮

唾耳

呻腐

鹹恐

周少陽論

卷之六

五運六氣

鬼吏區曰土主甲巳金主乙庚水主丙辛木主丁壬火主戊癸

岐伯曰臣覽太始天元冊文丹天之氣經于牛女戊分牛女在子

子癸至戊分齡夫之氣經于心尾巳分心尾在卯土氣自甲故火至戊癸至巳分故土主甲巳蒼天

之氣經于危室柳鬼危室在壬柳鬼在素天之氣經于亢氏昂畢

亢氏在乙昂畢在玄天之氣經于張翼箕胃張翼在丙箕胃在是

曰五運主運甲為干首故先土運其運行自首丁壬木每年木火

如甲巳年土運上為初運金為二運水為三運木為四運火為五

運以相生序乙庚年金則金初水二木三火四土五各七十二日

不及也太過以大寒前十三日交日先天不及于太寒後十三日

交曰後天。平氣之年正大寒日交曰齊天。○天以六為節。地以五為制。周天氣者六期為一備。終地紀者五歲為一周。君火以名。相火以位。五六相合而七百二十氣為一紀。凡三十歲千四百四十氣。凡六十歲而為一周。不及太過斯皆見矣。

子歲少陰君火司天  
左太陰風木在泉  
右厥陰風木在泉  
大寒至驚蟄初氣風木

丑歲太陰溼土司天  
左少陽風木在泉  
右少陰風木在泉  
春分至立夏二氣君火

寅歲少陽相火司天  
左陽明風木在泉  
右太陰風木在泉  
小滿至小暑三氣相火

卯歲陽明燥金司天  
左太陽風木在泉  
右少陽風木在泉  
大暑至白露四氣濕土

辰歲太陽寒水司天  
左厥陰風木在泉  
右陽明風木在泉  
秋分至立冬五氣燥土

巳歲厥陰風木司天  
左少陰風木在泉  
右太陽風木在泉  
小雪至小寒六氣寒水

主歲者紀歲。在天三年一降。五年遷正。司泉。泉而天亦然。問氣者紀步。以六十日八十七刻半有奇。為一步也。如子年君火天。金地。

則地左間太陽水爲初氣。天右間厥陰木爲二氣。司天君火爲三氣。天左間太陰土爲四氣。地右間少陽相火爲五氣。司泉金爲六氣。左升而上。右行下旋。而復于中。六氣風初熱二暑三濕四燥五寒六。此每氣六十度有奇者。萬年不易之主氣也。年支定司而左右紀步者。每年一遷之客氣也。

岐伯曰。寒暑燥濕風火。天之陰陽也。地三陰三陽。上奉之。木火土金水火。地之陰陽也。天生長化收藏。下應之地爲下平。曰地。人之下。大虛之中也。焉乎。曰大氣舉之也。風寒在下。燥熱在上。濕氣在中。火遊行其間。寒暑交焉。故虛而生化。先天者太過則制已所勝而侮所不勝。命曰氣淫。後天者不及已所不勝。則侮而乘之。已所勝則輕而侮之。侮反受邪。命曰氣迫。

平氣木曰敷和火曰升明土曰備化金曰審平水曰靜順

太過 木 發生 赫曦 敦阜 堅成 流衍

不及 木 委和 伏明 卑監 從革 涸流

厥陰

風化

酸化

蒼化

動化

少陰

熱化

苦化

素化

灼化

歲直

木運臨卯之類與歲會

大陰

濕化

甘化

丹化

柔化

天符

土運上見太陰之會與天會

少陽

火化

苦化

間氣

明化

陽明

燥化

辛化

素化

清化

太一天符之會

戊午乙酉己巳未己丑天

太陽

寒化

酸化

玄化

藏化

會歲會運會三合為治

天符為執法歲直為行令太一天符為貴人○氣生運曰順化○

氣克運曰天刑○運生氣曰小逆曰相得則微○運克氣曰不和

曰不相得則甚運同四五月曰支德符○太過運加司地之氣曰



同天符。○不及運加司地之氣曰歲會。○各以氣運加臨爲勝負之差。○亢則害承乃制。五運相克爲承地氣制已勝天氣制勝已天制色地制刑天氣不足地氣隨之地氣不足天氣從之運居其中而常先惡所不勝歸所同和。隨運歸從而生其病六氣之勝乘其至也感于邪而病乘年之虛則邪甚失時之和亦邪甚遇月之空亦邪甚重感于邪則病危。○時有常位而氣無必也。初氣終三氣天氣主之勝之常也。四氣盡終氣地氣主之復之常也。有勝則復無則否。復已而勝勝至則復無常數衰乃主耳。○復至則不以天地異名皆以復氣爲法。


# 手太陰肺

起于中焦中府穴下絡大腸其支者從腕後  
直出次指內廉出其端少商穴卯時注大腸

引文...

...

五



手陽明大腸

起于次指之端內側商陽穴循指上廉其支者鉗金上頸貫頰入下齒中上挾鼻孔迎香穴辰時注胃

足陽明胃

起于頭維穴鼻交頰中下循鼻外入上齒中其支者入大指間出其端厲兌穴巳時注脾

足太陰脾

起于大指端隱白穴循指內廉側白肉際其支者從臍別上膈天包穴午時注心

手少陰心

起于心中極泉穴出屬心系下脇絡小腸其支上目系直者出腋上臑下肘內掌後小指端少衝穴未時注小腸

手太陽小腸

起于少澤穴小指端外側上腕其支入耳中別上頰至目銳絡于顙申時注膀胱

足太陽膀胱

起于目內眥睛明穴上額交顙其支者腓內別上循京骨至小指外側至陰穴酉時注腎

足少陰腎

起于小指下斜趣足心湧泉穴上屬腎絡膀胱直者上貫肝入肺中循喉挾舌本支者从肺出絡心注胸中俞府穴戌時注心包絡

手厥陰心包絡

起于胸中天池穴出屬心包下膈絡三焦支者出脇下腋循臑內行太陰少陰之間入肘中出中指

端中衝穴支者掌中循小指次指出其端亥時注三焦

手少陽三焦

起于小指次指之端關衝穴循手表腕至目兌臂耳門穴子時注膽

足少陽膽

起于目兌臂臆子膠穴入小指次指之端岐中竅陰穴丑時注肝

足厥陰肝

起于大指聚毛大敦穴上躡足跗上廉上入肺中期門穴寅時注肺

### 人身呼吸合天地卦氣說

人身卽天地誰不云然然非徒冒言其通理也試質析之行于骨節間者氣血而已氣爲衛行脈外血爲榮行脈中血實統于氣而流行氣血于十二經十五絡者皆脈也八奇經別脈也冲氣統之肺爲氣門寸關尺浮中沉之候平旦也寸口其大關鍵乎難經曰寸口者五臟六腑之所終始本清曰候脈者必取平旦雖云陰陽

未動。陽氣未散。飲食未進。經脈未盛。脈絡調均。血氣未亂。然此其  
梗槩而習矣。莫之察也。其實脈行十二時中。寅則注肺。百脈會焉。  
寸口肺經也。每日從寅至申屬陽。從申至寅屬陰。人目動則行陽。  
目合則行陰。寅乃陰之盡。陽之初。故百脈變見于寸口。診法取決  
于寅時。一歲十二月。一日十二時。經脈各有所注。陰陽升降與天  
地應。醫家誰究心乎。音出于丹田。而字滿于商。亦肺所司也。噫。人  
生于寅。子與謂平旦之氣。鷄鳴而起。豈特可以察脈已哉。聽聲知  
病。聽聲知吉凶。猶有先此者。

經絡共長十六丈二尺。手三陽之脈從手至頭長五尺。

五合六  
為三丈手

三陰之脈從手至胸中長三尺五寸

三丈一丈八尺五寸六分三尺合二丈一尺

足三陽

之脈從足至頭八尺

六丈八尺四寸

足三陰之脈從足至胸中長六尺五

寸

六丈六丈三丈六尺五寸六分三尺合三丈九尺

合一丈五

督任各長四尺五寸

合九尺

共長十六丈二尺也人一呼一吸行

六寸十息脈行六尺百息行六丈二百七十息脈行十六丈二尺

氣血周身一度也漏水下二刻焉至明日寅時周身五十脈行八

百一十丈共萬三

息漏水下百刻焉日行二十八舍也往見

在齋先生以身追息不得智在天雷苗中豁然圖之用書因知息

數洛書數也洛書三其二是五是九其五也二刻而二百七十息氣

血一周則三十其九而六其洛書也。凡九十息。脉行五丈四尺。而  
又五分之則十八息。各爲丈八寸。此象限百八之小率也。一日夜  
周身五十。而萬二千五百息。則爲九者千五百。而三百其洛書數  
也。六十四日爲八十六萬四千息。則與萬二千五百二十之策會  
矣。此七十五其具策。而百五十其五千七百六十也。五千七百六  
十者半其具策而三百八十四。又通期甲子。聲數皆會者也。以日  
法爲萬二千七百而二千周。卽會矣。其始從中集注手太陰陽明  
而注足陽明太陰而注手少陰太陽而注足太陽少陰而注手厥  
陰少陽而注足少陽厥陰循環注手太陰總屬陰陽。陽陰周而後

始氣主响之。血主濡之。脈在其中。爲樞紐也。春秋分晝夜兩停。脈行五十度。合乎正數也。冬至後晝四十刻。夜六十刻。陰多陽少。則氣血凝澁而脈道遲。止行四十度。夏至後晝六十刻。夜四十刻。陽多陰少。氣血滑利而脈道疾。反行六十度。若夫氣暴熱。脈行亦疾。天氣暴寒。脈行亦遲。喜怒亦寒暑也。呼吸聲氣亦如之。心平氣和。發未發之中節。一天地矣。

呼爲陽而應天。呼出心與肺。吸爲陰而應地。吸入腎與肝。而任督應之。十二經應之。蓋天五之氣始自中。原播于諸脈。而任督猶爲陰陽之海。任在前二十四穴。督在背二十七穴。督陽三九。任陰四



六。自任之會陰。爲二陰間道家秘之以爲坎府門。關之至也。督之斷交與任之承漿相合。分之爲二。當合口呼吸則爲一。是則二十四。二十七。共五十一。而實五十也。會陰爲天地根。斷交承漿爲天地門。內事言積氣七七。上下唇動。非此理乎。口爲天地門。以出呼吸。而本于脾之丹田。故呼出心肺。吸出腎肝。而皆丹田所運轉也。扁鵲曰。人受天地之中以生。所謂冲氣也。聲音用此。一聲去而復來。卽一小生死之輪也。

會稽馬蒔始悟管衛各有行。而猶以宗氣與管同。潛谷曰。宗氣自主呼吸與管衛爲三髓也。人生氣海在胸。卽八會之氣。會于膻中。

也。謂之宗氣。飲食而宗氣克行于上焦。主呼吸而行脉道。此爲一  
隧。人所以爲命也。營氣乃宗氣陰精之氣。太極之分而爲陰也。由  
中焦而生。故曰清者爲營。行于脉中。一日夜脉行八百十丈。此一  
隧也。營之言運也。衛氣乃宗氣陽精之氣。太極之分而爲陽也。由  
下焦而生。故曰濁者爲衛。行各經分肉之間。此又一隧也。衛之言  
護也。營氣出于太陰肺。行陽脉二十五度。行陰脉二十五度。爲五  
十度。周于身。復會于手太陰。所謂太陰主內也。衛氣出足太陽膀  
胱。行于晝二十五度。行于夜二十五度。亦五十度。周于身。復會于  
足太陽。所謂太陽主外也。

按內經言平旦盡陰陽氣出于目上頭而下背足別于目銳以至  
上耳入掌入足心等云云復合于目爲一周此言腑也其言腎注  
于心心注于肺肺注于肝肝注于脾脾復注于腎而合于目從五  
行相尅而注此言臟也其寅會寸口者十二經脈也故或言榮衛  
而不言脈者正以榮衛行陽止行周于諸腑行陰止行周于諸臟  
而身脈則出入臟腑循環無已者也身脈五十度周身與榮衛俱  
始會于寅辟如自鳴鐘之機輪輪各自轉百川之流或合或分或  
伏或見而自不相亂也大端不出於呼吸陰陽夜半陰隴爲重陰  
夜半後而陰衰平旦陰盡而陽受氣矣日中陽隴爲重陽日西而

陽衰日入陽盡而陰受氣矣日動則行陽日合則行陰卽太極動而生陽靜而生陰之理也。參同契以乾坤坎離爲宗而以六十四卦配日數。每日用二卦。一月而六十卦周。其言日月卽有五六經緯奉日使兼拜爲六十剛柔爲表裏。朔旦屯直事。至暮蒙當受書。夜各一卦用之依次序。旣未至晦爽終則復更始。日辰爲期度。動靜有早晚。春夏據內體。從子到辰巳。秋冬當外用。自午訖戌亥。賞罰應春秋。昏明順寒暑。爻辭有仁義。隨時發喜怒。如是應四時五行得其理。麻衣子卦畫圖乃明陰陽升降之理。卽參同契所喻丹青也。按京邵皆藏四卦以合通期此適符之理也。以納虛旋具爻。

此亦適符之理也。以貞悔卦旋三十六宮。此亦適符之理也。參同  
主月以寓變化。總之不離陰陽。自然配合。周天周身。何往不叶。  
十二經循環。乃分陰陽晝夜。以相應。而四時周歲。則肝心脾肺腎  
乃正分也。醫家一月肝。二月膽。三月包絡。四月三焦。五月脾。六月  
胃。七月肺。八月大腸。九月腎。十月膀胱。則十一月。十二月乃空之  
邪。此卽四時五行以一表一裡配之也。空心與小腸一表裡者。心  
爲君主。無所不統。心不用而用。小心包絡司火。而正火合。土居中。  
故人身之水火土。有時相制相合之妙。用則多言甲庚。故金木爲  
用。甲生于亥。庚生于巳。猶春秋卽冬夏也。其不言十一月十二月。

者猶周禮六官冬爲司空而不與衆同職也。論四時之定局當以五行均之。而以六氣旋五運。則三陰三陽配定矣。腎經配十二江河之水。乃借象耳。子足少陽。午手少陰。一圖專言水火手足陰陽之位。乃自子至巳爲足。自午至亥爲手也。愚者故爲合圖以明表法。無處非心而寓于此。豈獨呼吸聲氣云爾耶。

道藏曰。三月先生右腎而爲男。陰包陽也。先生左腎則女。陽包陰也。其次腎生脾。脾生肝。肝生心。以生其勝。已者腎屬水。故五臟由是爲陰。心生小腸。小腸生大腸。大腸生膽。膽生胃。胃生膀胱。膀胱生三焦。以生其已勝者。小腸屬火。六腑由是爲陽。其次三焦生八

脉八脉生十二經。十二經生十二絡。十二絡生一百八十經絡。經絡生一百八十經絡。經絡生三萬四千經絡。經絡生三百六十五骨節。骨節生三百六十五大穴。周天合焉。四月形像。五月筋骨成。六月毛髮。七月則遊其魂。兒能動左手。八月遊其魄。兒能動右手。九月三轉身。十月分解。延月生者貴。不足日月生者貧薄。生後三十二日一變蒸。生腎氣。六十四日二變蒸。生膀胱氣。屬水一也。九十六日三變蒸。生心氣。一百二十八日四變蒸。生小腸氣。屬火二也。一百六十日五變蒸。生肝氣。一百九十二日六變蒸。生膽氣。屬木三也。二百二十四日七變蒸。生肺氣。二百五十六日八變蒸。生

大腸氣屬金四也。二百八十八日九變蒸生脾氣。三百二十日十變蒸生胃氣屬土五也。一期歲齒生髮長。齒者腎之餘也。髮者血之餘也。爪者筋之餘也。神者氣之餘也。智按毛髮八萬四千。乃七其十二百倍之秋數也。藏言九十九萬者。河洛百數併倚之表也。邵子曰。神統于心。氣統于脈。形統于首。形氣交而神主乎中。三才之道也。四支各有脈。一脈三部。一部三候。應天數也。此言手足各三陰陽而三其經絡也。天之神棲乎日。人之神發乎目。寤則棲心寐則棲脈。所以象天晝夜之道也。智按息通寤寐。得用之全。瞬通寤寐。得用之半。故神棲于腎。寄息于鼻。寐則目不用而耳猶用。熟



寐則耳不用矣。寤則何時而不息乎。口目橫而鼻耳縱。耳縱而居偏鼻。縱而居中。中者貴也。良爲鼻。良其背。可以悟矣。內經以息行。脉度與天符焉。自然而然。無所不叶。所謂息者。自心生死之驚也。止息生息之消息也。盡心養氣。孟子一之。陰平陽秘。黃帝尚之。復開隨息。震省艮時。利用安身。以崇德也。脉與氣血。各分魂魄陰陽。而統于任督。豈可離耶。雖曰神統于心。氣統于脈。其寔神藏氣中。禮曰。地載神氣。乾分坤以立體而成用。坤皆乾也。胎息煉形。非无其故。蟄九蛰白。非无其候。聖人恐民廢事。逃倫偏重。則惑。故罕言之。而時行物生。逆知順理。易象自無隱也。希夷麻衣。適還天地之

常大人四合是謂自古以固存。月窟天根之環中。潛飛一也。息踵者無息之深幾也。豈矜飛舉爲世諦哉。

潛老夫曰。人生之貴也。三才奉焉。八卦周焉。經世曰。千千之人爲細人。一一之人爲巨人。誠哉巨矣。顧乃邪辟其範。戲豫其靈。不亦大哀矣乎。先天之顯象而隱性也。無生者會之。後天之晦震息兌。居坎辨離也。長生者會之。歸藏順其腹。連山止其手。而大衍元其首。五官百體具從之矣。夫是元首也。明起則治之。叢脞則亂之。乾之尊也。何如哉。然不于其尊卑而必于其交也。內經表之矣。木火土金水。地制也。乃以五運天統之。風熱暑濕燥寒。天節也。乃以六

氣地司之天地交而人受之以中則呼吸通焉通乎晝夜之道也  
萬三千五百息一呼一吸六爻環焉凡三其九十而一週凡五十  
而會寅凡二十有五而陰度陽度交蓋通身一易也呼吸爲宗氣  
四海之要會于膻中上焦主內而不出故吸清吐濁真人之息以  
踵也呼三吸一者與人爲徒吸三呼一者與天爲徒也清者爲營  
爰有營氣生于中焦腐熟水穀主亦內而亦出宗氣之陰精也濁  
者爲衛爰有衛氣生于下焦濟必別注主出而不內宗氣之陽精  
也衛宜陰而反陽營宜陽而反陰者氣交也得陰陽之中者宗氣  
也墨氏證空志壹動氣老流凝逆氣壹動志聖人洗于誠敬旣持

志無暴氣所謂威儀定命宥密基命者乎天運貴其化化也者紀  
歲也地氣貴其間間也者紀步也化有正對之分間有左右之別  
運氣皆用主旺賓借賓助主以施調變焉大過者勿令其淫制已  
勝也不及者勿令其迫侮所不勝也天制其色地制其形窺其勝  
復察其微甚理其升降爭其邪正歸于亢則害承乃制而已矣男  
女盛衰介乎七八府藏幹管聯乎五六兩膺循乎六十一春規夏  
矩秋衡冬權脉絡流乎二十七部候徹乎三九如霧如漚如瀆之  
數節布乎三百六十有五喜怒哀樂之微淑慝剛柔之著無往而  
不與天地合焉先天之數曰首腹等其象也賢愚所同其盡性至

命聖人所獨也。後天之教曰：八德所以脩道，而動與靜非聖人不  
能造焉。故以震歸風，木坎歸寒，水尊君火于無爲，而置相火于成  
終成始之際。夫如是者，運不憑仰氣，不隨俯負陰抱陽，保中致和，  
民無天扎，物無瘡痍，非他也。三才之道待人而至矣。


智曰：六氣配八卦，醫經圖之，而不得其解，皆一推之。八卦本六卦  
也。五行行于水火，而或六或四，要歸于一用，其兩已矣。六氣寔寒  
暑燥濕四者，而偏多以風熱之二。何耶？邵子曰：水火動而隨陽，岐  
伯曰：水爲陰，火爲陽。五行尊火，動靜歸風。人身以動物，載靜理，故  
以火爲生死病人者，火也。所以生者，卽火也。庶徵五若，以風屬思。

坎離以風火爲動用之幾。隨陽者火也。水木之氣悉從土而攝于火。火分南北。北用于南。故經曰。火遊行其間。又曰。壯火食氣。少火生氣。道家藏丙火于腎。壬而用丁火。巳土可知。六氣以風熱乘權而風爲首矣。六氣八卦。虛坎震者。陽使陰用。用卽偏陰。四正惟夏秋爲用之最盛。以巳亥爲鑊軸。而自巳至亥。陰方也。壬用也。自亥至巳。陽方也。壬不用之用也。惟以一艮藏根于寅。而暗輪于坤申。此脾土爲心腎之養。而志能帥氣之風輪也。此亦陽一陰二之說也。

律呂聲音幾表

律應卦氣相生圖

律呂聲音幾表



宮與商商與角徵與羽相去各一。角與徵羽與宮相去各二。則音節不和。故角徵間收一律近徵。比徵少下曰變徵。羽宮間收一律少高于宮曰變宮。自宮九寸三分損一為徵六寸。徵三分益一為商八寸。而不可分。故止三流。乃析七十二分。生羽四十八。至角六十四。則三分餘一。故止五音。乃析一為九厘。為五百七十六。三分損一。得三百八十四。生變宮。三分益一。得五百十二。生變徵。三分餘二。此變聲所以止二也。日和日繆。故不為調。約以寸法。則黃林太得全寸。約以分法。則南姑得全分。約以厘法。則應蕤得全厘。約以毫法。則太夷得全毫。約以絲法。則夾無得全絲。至中呂之寔。十三萬一千七十二分。三餘二。律之終也。變則旋起。凡數始于一。成于三。此後則兩而一變。

黃鍾實九寸

子一分

數起子得一也。合計之此一即當九寸。

黃鍾以九紀度法

九絲

為毫九毫為釐九釐為分九分為寸

以三分損益為生法以三歷十二辰得一十

七萬七千一百四十七為黃鍾之實其十二辰所得數在子寅

辰午甲戌六陽辰為黃鍾寸分釐毫絲之數

子為黃鍾之律寅為九寸辰為八寸

一分午為七百二十九釐申為六千五百六十一毫戌為五萬九千四十九絲

在亥酉未巳卯丑六陰

辰為黃鍾寸分釐毫絲之法

亥為黃鍾之寔酉之一萬九千六百八十三為寸未之二千一百八

十七為分巳之二百四十三為釐卯之二十七為毫丑之三為絲

徑圍之分以十紀法天地之

全數也相生之分以九紀法周三分損益而用天之奇數也

五孟

日黃鍾律長九寸圖九分以圖乘長得積八十一用十度為八寸一分



林鍾實六寸

丑三分二

三其法為三分兩其寔為二也此則一當三寸

三分子之實得

三以為法黃鍾下生倍其三法得六寸為未之林鍾取衝居丑

子析三分每分五萬九千四十九丑于三分得二是一萬八千九十八數為林鍾六寸以八十一而三分損一為二十七者

三取其二為五十四生徵管子三分益一為百八生徵半之即五十四也鄭玄杜佑云下生倍其寔為十八三分十八為三股

得一股亦六寸也十度為五寸四分

太簇實八寸

寅九分八

三其法為九分四其寔為八也此則一為一寸

三分丑之寔得

二以為法林鍾上生四其二法得八寸為太簇

以子一分析為九分每分一萬

九千六百零八十三寅于九分之中得八為十五萬七千四百六十四積八寸為太簇三分丑數每股三萬九千三百六十

六加此數于丑數一十五萬七千四百六十四也五十四而三分之為十八者三益十八千五百十四為七十二生商管子三

分百八。損一生商亦七十二也。鄭云上生四其寔得二十四。  
為法三分二十四而用一股亦八寸也。十度為七寸二分。

南呂實五寸三分。卯二十七分十六。三為一寸。一為三分。三分寅之實得

二寸六分以為法。太簇下生。倍其法得五寸三分。為酉之南呂。

取衝居卯。三分寅數每股五萬二千四百八十八。卯得二股為一十萬四千九百七十六筭。七十二而三分之為二十四。

者三。損二十四于七十二。為四十八。生羽管子三分益一。為九十六。生羽半之。亦四十八也。鄭云。下生倍寔得十六。為法。而三其得三。以分其法。乃用十五得三者五。為五寸。餘一為三分寸之一。十度為四寸八分。

姑洗實七寸一分。辰八十一分六十四。九為一寸。一為一分。三分卯實得

一寸七分為法。南呂上生。四其法得四寸二十八分。內收二十七分為三

寸。合計七寸一分以為姑洗。二分卯數每股三萬四千九百九十二。辰益一股為一十三萬九千

九百六十八筭。四十八而三分之。為十六者三益一。為六十。四生角。管子以三分九十六。損一生角。亦六十四也。鄭云。上生四。其寔得六十四。為法。而三其三。得九。以分其法。乃用六十三。得九者七。為七寸。餘一。為九分寸之一。十度為六十四分。

應鍾實四寸六分六釐。已二百四十三分一百二十八。二十七為一寸。

○三為一分。三分辰之實。得二寸三分三釐。以為法。姑洗下生。○一為三釐。

倍其法。得四寸六分六釐。為亥之應鍾。居已。三分辰數。每股四萬六千六百五十

六。已得二股。為九萬三千三百一十二筭。六十四。三分餘一。故五音止五。乃以一為九厘。為五百七十六厘。而三分。每股一百九十二。損一為三百八十四厘。生變宮。鄭云。下生倍其寔。得一百二十八。為法。而三其九。得二十七。以分其法。乃用一百八。得二十七者四。為四寸。餘二十。為二十七分寸之二十。十度為四寸二分六厘。

蕤賓實六寸二分八釐。午七百二十九分五百一十二。八十一為一寸。

○三爲一分 三分已之實得一寸五分二釐以爲法應鍾上生。  
○一爲一厘

四其法得四寸二十分八釐。內取十八分爲二十寸合六寸二分八釐爲蕤

賓。三分已數每股三萬一千一百零四午益一爲一十二萬四千四百一十六筭。變宮三百八十四厘而三分之每股一百二十八。益一爲五百一十二。生變徵。鄭云上生四其寔得五百一十二爲法而三其二十七得八十一以分其法乃用四百八十六得八十一者六爲六寸餘二十六爲八十  
一分寸之二十六。十度爲五寸六分八厘

大呂實八寸三分七釐六毫。未二千一百八十七分二千二十四

二百四十三爲一寸 二十七爲  
一分。三爲一厘。一爲三毫。三分午之實得二寸八釐六

毫以爲法蕤賓上生四其法得八寸三十二釐二十四毫。內收二十

七厘爲三分餘五厘又收  
十八毫爲二厘餘六毫。合之爲丑之大呂居未。三分午數每股四萬一千

四百七十二。未損一得二。為八萬二千九百四十四。又倍之作十六萬五千八百八十八筭。變徵五百一十二厘。分三股。股得一百七十。而餘二。此變聲所以止于二也。若析厘為九毫。得四千六百零八毫。而三分之。益一股為六千二百四十四毫。生大呂。鄭杜云。上生四其寔得二千四十八為法。而三其八十一。得二百四十三。以分其法。乃用一千九百四十四。得二百四十三者。八為八十。餘一百四為二百四十三分。寸之一百四。十度為七寸五分七厘。

夷則實五寸五分五釐一毫。申六千五百六十一。分四千九十

六。七百二十九為一寸。八十一為一分。九為一厘。一為一毫。三分未之實得二寸七分

二釐五毫為法。大呂下生倍其法得四寸十四分四釐十毫。內收

九分為一寸。餘五分。又合為夷則。三分未之原數。每股二萬七千六百四十八。而以八萬二

千九百四十四。益一股為一十一萬零五百九十二筭。以六千一百四十四毫而三分之。每股二千〇四十八毫。損一股為四千九十

六毫生夷則。鄭杜云下生倍其寔得四千九十六為法而三共二百四十三得九百二十九以分其法乃用三千六百四十五得七百二十九者五為五寸餘四百五十一為七寸二十九分寸之四百五十一十度為五寸。四毫。

夾鍾實七寸四分三釐七毫三絲。西一萬九千六百八十三分

八千一百九十二。二千一百八十七為一寸，二百四十三為一分，二十七為一厘，三為一毫，一為一絲。

三分申之實得一寸七分七釐六毫三絲為法夷則上生四

其法得四寸二十八分二十八釐二十四毫十二絲。內收二十七分為三

寸餘一分又收二十七厘為三分餘一厘又收十八毫為二厘餘六毫又收九絲為一毫餘三絲。合為卯之夾

鍾居西。三分申數每股三萬六千八百六十四西損一得二股為七萬三千七百二十八倍之為十四萬七千四百五

六筭。三分四千九十六毫每股一千三百六十五而餘一乃折毫為九絲得三萬六千八百六十四絲分三股得一萬二千

二百八十八。酉當益一股。即得四萬九千五百五十二。生夾鍾。鄭云。上生四。其寔得。一萬六千三百八十四。爲法。而三其七百二十九。得二千一百八十七。以分其法。乃用一萬五千三百九。得二千一百八十七者。七爲七寸。餘一千七十五。爲二千一百八十七分寸之一千七十五。十度。爲六寸七分二厘。

無射實四寸八分八釐四毫八絲。戌五萬九千四十九分三萬

二千七百六十八

六千五百六十一爲一寸。七百二十九爲一分。八十一爲一厘。九爲一毫。一爲一絲。

三分酉之實得二寸四分四釐二毫四絲爲法。夾鍾下生倍

其法得四寸八分八釐四毫八絲爲無射。

三分酉之原。每股二萬四千五百七十

六成益一股爲九萬八千三百零四。

三分四萬九千五百

五十二絲。每股一萬六千三百八十四。損一股爲三萬二千七百

六十八。生無射。鄭云。下生倍其寔得三萬二千七百六十八

爲法。而三其二千一百八十七。得六千五百六十一。以分其法

乃用二萬六千二百四十四得六千五百六十一者四爲四寸  
餘六千五百二十四爲六千五百六十一分寸之六千  
五百二十四。○十度爲四寸四分八厘

中呂實六寸五分八釐三毫四絲六忽。○亥一十七萬七千一百

四十七分六萬五千五百三十六

萬九千六百八十三爲一寸  
二千一百八十七爲一分

二百四十三爲一毫  
○二十七爲一毫  
○三爲一絲  
○一爲一忽

三分成之寔得一寸五分八

釐七毫五絲六忽爲法無射上生四其法得四寸二十分三十

二釐二十八毫二十絲二十四忽

收十八分爲二十寸又收二十  
七厘爲三分又收二十七毫

爲三厘又收十  
八忽爲二絲

合爲巳之中呂居亥

三分成數每股三萬二  
千七百六十八亥損一

得二股爲六萬五千五百三十六倍之爲一十三萬一千零七  
十二美○三分三萬二千七百六十八絲每股一萬零九百二  
十二而餘乃析絲爲九忽得二十九萬四千九百一十二忽而



三分之每股九萬八千三百零四忽亥益一股卽得三十九萬  
三千二百一十六忽生中呂若順而極之爲二十六萬二千一  
百四十四爲黃鍾之變此卽十八變倍爻之數也再三分餘一  
故十二藏千三而中呂爲極數若縷析之六十律可也○鄭云  
上生四其寔得十三萬一千零七十二爲法而三其六千五百  
六十一得一萬九千六百八十三以分其法乃用十一萬八千  
九十八得百參者六爲六十餘萬二千九百七十四爲析寸之  
分按鄭注于午上生四其寔蓋四其一百二十八爲五百十二  
矣未又用上生四其寔爲二千四十八申倍之爲四千九十六  
酉四之爲一萬六千三百八十四戌倍之爲三萬二千七百六  
十八故亥復四之爲十三萬一千七十二也更從亥上生四其  
寔爲五十二萬四千二百八十八爲法而三其萬九千六百八  
十三得五萬九千四十九以分其法乃用四十七萬二千三百  
九十三得戌參者八爲八寸餘五萬一千八百九十六爲析寸  
之分合生黃鍾之變○蔡以三分亥之寔得二十一分八厘七  
毫一絲五忽爲法中呂上生黃鍾之變四其法得八寸七分八  
厘一毫六絲二忽蓋蔡本太史公法而以厘毫絲忽約之  
者也○十度中呂爲五寸九分六厘

宮第九	夷正	夾半正	無正	中半正	黃半變	林半變	太半變
宮第八	大正	夷正	夾正	无正	中正	黃半正	林半變
宮第七	蕤正	大正	夷正	夾半正	无正	中正	黃半變
宮第六	應正	蕤半正	大正	夷半正	夾半正	无半正	中正半正
宮第五	姑正	應正	蕤正	大正	夷半正	夾半正	无正
宮第四	南正	姑半正	應正	蕤半正	大正	夷半正	夾半正
宮第三	太正	南正	姑正	應正	蕤正	大正	夷正
宮第二	林正	太半正	南正	姑半正	應正	蕤半正	大正
宮第一	黃正	林正	太正	南正	姑半正	應正	蕤正

第十夾正  
無正  
中正  
黃變半  
林變  
太變半  
南變


第十无正  
中正  
黃變半  
林變半  
太變半  
南變半  
姑變半

第十中正  
黃變半  
林變  
太變半  
南變  
姑變半  
應變


朱子曰律呂有十二用時用七若更插一聲便拗矣旋相為宮若到應鍾為宮則下四聲都當低去所以有半聲亦謂之子聲近時所謂清聲是也舊曰四清聲本立以避陵慢其寔理勢不得不如此以七聲而為一調以五調而當一曲凡十二曲六十調四百二十聲其正者以正律全聲應也其半者以正律半聲應也變半者以變律半聲應也其變者以變律全聲應也陽律為宮則商角皆陽至變徵則變而為羽陰徵為陰至變宮又變而為陰也韋昭注國語七音就黃鍾一均言也餘律准此淮南曰應鍾為和延賓為謬孔安國注禮運旋宮止以十二辰五聲為六十聲蔡氏增二變二十四聲合八十四自唐以來法皆如此楊升菴以安世詩七始卽此漢志引書曰予欲聞六律五聲八音七始詠以出內五言女曉隋志鄭譯曰周有七音之律鮑業曰旋宮以七聲為均譜曰以

黃鍾空圍九分圓說


變徵之聲。循環正徵以變宮之律。迴演清宮變徵以變字為文變。宮以均字為譜。唯清之一字。生自正宮。倍應聲同。終歸一律。雅算。成調。无出七聲。約曰宮商角變徵羽均。其清則合宮聲也。史氏曰。正律下之半聲。即正律之變聲。所謂變半也。○變律下之半聲。即變半之變聲。所謂變半也。



三分




益一




以一分

釐五毫貼于四面徑

三分五釐如此圖



以前三分五釐取三分四釐六毫徑以徑四面所餘補四角如此圖



此則空圖九分圖也

依蔡氏多截管埋地中。俟驗冬至有氣應者。取而計之。以此管爲九分之寸。合八十一終天之數。用以三分損益。由此又以此管作分之寸。合天地五位終十之數。乃以十乘八十一。得八百一十分。配九十分管。知此管長九十分。空圍中容八百一十分。卽十分管長。空圍中容九十分。一分管長。空圍中容九分。凡求度量術由此。乃以此管面。空圍中容九分。以平方冪法推之。知一分有百釐。釐有百毫。毫有百秒。秒有百忽。卽計一平方分。通有百釐一萬萬忽。九平方分。通有百釐九萬萬忽。乃以此九萬萬忽。依算經少廣章所載。宋祖冲之密率乘除。得圓周長的。計十分六釐三毫六秒。

八忽萬萬忽之六千三百一十二。又以圓周求徑計三分三釐八毫四秒四忽萬萬忽之五千六百四十五。又以半徑半周相乘仍得九萬萬忽內一忽弱。通得面積九平方分也。黃鍾之廣與長及空圍內積寔皆可計矣。故向縣計有九方分。深一分管則空圍內當有九立方分。深九十分管計九寸。則空圍內當有八百一十立方分。此卽黃鍾一管之實其數與天地造化無不相合。

黃帝使泠綸取嶰竹。斷兩節吹之。制十二筩。以聽鳳鳴。雄雌各六。文五聲。播八音。而樂和矣。葭灰緹素以候十二月之中氣。而時序矣。度量權衡皆以此準。舜典所謂協也。同也。故曰黃鍾爲萬事根。

本。伶州鳩曰。律所以立均出度也。紀之以三。平之以六。成于十二。六律六間。漢志曰。天之中數五五爲聲。地之中數六六爲律。黃鍾天統。律九寸。林鍾地統。律六寸。太簇人統。律八寸。象八卦。子爲天正。未衝丑爲地正。寅爲人正。三統相通。律皆全寸。五聲流于六虛矣。黃鍾爲宮。則太簇姑洗林鍾皆以正聲應。無有忽微。不復與它律爲役者。同心一統之義。黃鍾至尊。无與並也。函三爲一。三統合于一元。故因元而九三之以爲法。十一三之以爲定。夫律陰陽九六。爻象所從出也。五六者。天地之中合。而民所受以生也。故曰有六甲。辰有五子。十一而天地之道畢。

潛老夫曰。史記云。子一分。丑三分二。寅九分八者。上層奇數以三。歷十二辰。皆三倍加之。所謂律參也。其下層偶數。所謂律兩也。史記云。下生者倍其寔。三其法。上生者四其寔。三其法。不過陰位以倍。陽位以四而已。倍卽三分損一也。損一卽倍其寔也。四卽三分益一也。益一卽四其寔也。六陽辰當位自得。六陰辰則居其衝。其林鍾南呂應鍾。三呂之數在陰方。無所改。其大呂夾鍾中呂三呂之數在陽方。則用倍數。方與十二月之氣相應。蓋陰從陽也。子寅辰。午申戌。爲陽。丑卯巳。未酉亥。爲陰。而子至巳。又爲陽方。午至亥。又爲陰方也。故志以六陽下生。六陰上生。而鄭蔡之法。自蕤賓午。



生大呂丑則目爲上生正此故耳知戊數爲黃鍾之絛則知範疇

之五十三萬一千四百四十一乃黃鍾之忽數也自八十一而參

分損益至中呂生子爲二十六萬二千一百四十四既適符律兩

之四又適符倍爻十八變之數豈偶然哉

漢志詳言九六之義於  
吳鄭康成尚史記所說

不同西山曰鄭氏之言分寸審度之正法也太史之言便于損益

而似設之權制也李利三寸九分之說驅九思更之其疑氣升

與日準何暖加千地育是也然三分增吾謂自然之理自然之數

益九九族十二自天也聞之一法也一合無所不合既可如此取之亦可如彼取之權制卽至理也惟

聲難定而聲之所協數卽符之故因數以考其聲焉而所中之數

度卽爲開物成務之矩卽寓制器尚象之宜非徒爲諸管設也參

天兩地其能外乎。故邵子以聲定物數學者當知聲數之理極數知來聽樂知德亦無所能外于天地之自然也。

律歷志言律娶妻呂生子。以易證之。隔八乃隔七也。既生之位乃隔八耳。七日來復正可互徵。凡爻極于六周而復起爲七晝夜寒暑陰陽盡以六位相旋至六則極至七則變。故子月一陽生四月六陽而五月又一陰生也。十二辟卦配十二月。律呂攷以乾坤十二爻配十二律則知黃鍾之子與蕤賓之午一陽交一陰而生二陰是爲林鍾。二陰交二陽而生三陽三陽交三陰而生四陰以至生十二皆如之曰律娶妻。呂生子者姑就其始言之也。

八十四調循環之宮參兩相乘損益之數司馬遷班固呂覽淮南  
京房蔡邕鄭玄錢樂之何承天沈約劉焯梁武說各紛紜陳陽樂  
書以孟堅爲精密建陽蔡西山新書朱子賞其求聲氣之元因律  
生尺多近代之所未講而楊薦猶謂律呂美例熊朋來謂正變倍  
半算家命之耳祖冲羣率本自然也黃帝斷竹兩節間聲出三十  
九分吹曰含少合其無聲者四十二分則全律八十一也此子聲  
自中呂變律四寸三分音則律法九分爲寸正度以十爲寸則三  
寸九分也班固謂天地氣合生風風氣正而律定緹室候氣以木  
案加土理律其爲氣所動者灰散人及風動者灰聚存中曰冬至

陽氣距地面九寸而止。惟黃鍾一管達之。正月自太簇以上達也。截管雖多。要有定尺。古取諸身。魏漢之取帝指。豈其然乎。韓邦奇言車工尺。去二寸合矣。車工尺不同。則不利載。孰使之哉。溫公尺見家禮者。亦誤以爲十寸。銅侖尺。晉前尺也。一尺一寸五分八釐。郭守敬則一尺三寸六分。新書亦誤以晉前一尺爲十寸耳。愚謂就今俗調低二試之。更考候氣尺可也。此有易簡之原數。亦有易簡之原也。

六律四鍾二呂。黃鍾其根本也。夾林應大。中南鍾與呂相間相對。六律之間。復自有陰陽者。納音之法。申子辰巳酉丑爲陽。紀寅午

戊亥卯未爲陰紀。亥卯未之位。上曰夾鍾林鍾應鍾陽中之陰也。  
黃鍾者。陽之所鍾也。夾林應陰之所鍾也。故皆謂之鍾。巳酉丑之  
位。曰大呂中呂南呂。陰中之陽也。呂助也。能時出而助陽也。故皆  
謂之呂。陰陽相生。自黃始而左旋。天道也。自子至巳爲陽律。陽呂。  
自午至亥爲陰律。陰呂。巳方之律。謂之中呂。伶州鳩曰。三間中呂  
宣中氣。言陰陽至此而中也。中呂當讀本字作仲者非至午則謂之蕤賓。陽常  
爲主。陰常爲賓。蕤賓者。陽至此而爲賓也。納音之法。自黃鍾相生。  
至于中呂而中。謂之陽紀。自蕤賓相生。至于應鍾而終。謂之陰紀。  
蓋中呂爲陽之中。子午爲陰陽之分也。

上音二變在先天爲乾坤艮巽之位。在後天爲坎離乾坤之位。本之孔子乾據始坤正終之說。南方正用而坤以成之。北方正始而乾續終始之際。故乾當應鍾變宮。以轉黃鍾之坎。而離當蕤賓變徵。以交林鍾之坤。兌爲金商。而列位配羽。以接乾坎變宮。土托亥子。以簇商洗。同歸二火。離坤之用。豈非微至之幾乎。至其旋用。不據本位。八卦亦旋用。不據本位者也。

字母來日曰二半。陳曠菴以日附宮來附徵。智以十二律圖證之。有自然之符。來爲泥餘。日爲孃餘。商徵之宮收也。

史愚甫曰。律呂之數。往而不返。黃鍾不爲諸律後。所用七聲皆正。

律无空積忽微。自林鍾而下則有半聲。

大呂太簇一半聲。夾鍾姑洗二半聲。蕤賓林鍾四半聲。

聲。夷則南呂五半聲。无射應鍾六半聲。中呂爲十二律之第三半聲。

自蕤賓而下則有變律。

蕤賓一變律。大

呂二變律。夷則三變律。夾鍾四變律。无射五變律。中呂六變律。

皆有空積忽微。故黃鍾獨爲聲氣

之元。雖十二律八十四聲皆黃鍾所生。然黃鍾一均至純粹矣。八

十四聲。正律六十三。變律二十一。六十三者。九七之數。二十一者。

三七之數。

正變倍半之法。通典曰。以子聲比正聲。則正聲爲倍。以正聲比子

聲。則子聲爲半。如黃鍾管正聲九寸。子聲則四寸半也。管上生而

所生者短。則下取此以爲用。然以三分損益法計之。則亦適合下

生之數而自此律又以正律下生則復得其本法而于半律又合上生之數也此惟杜氏言之他書不及蔡氏曰今按蕤賓以下中呂上生之所不及故無變律而惟黃大姑林南應有之計正變通十八律各有半聲爲三十六聲其間又有八聲雖有而无所用定計二十八聲而已杜氏又言變律上下相生以至中呂則是又當增十二聲而合爲四十八聲也今雅樂俗樂皆有四清聲其原蓋出于此然少八聲且无變律則法又太踈矣漢志言黃鍾不爲他役謂他律爲宮則黃鍾以變律應而不用正律也日辰由天五地六而生律呂由九寸損益而生至數之或則日有六甲辰有五子



爲六十日與律呂之六十調若合符節所謂調成而陰陽備也京氏之生六十律豈无調耶以黃鍾用九紀陽不紀陰言之六律五聲窵于六十亦三十六爲陽二十四爲陰五聲流于六虛用六卽用九也七音以奉五音八音以奏五音用七八亦用九六也官商角三十六調老陽也徵羽二十四調老陰也以八十四聲音之則老陽用奇老陰用偶矣一陽一陰之中又自有陰陽焉元氣元聲中和之宰然亦不能不制數度以裁成中節可漫言通貫云爾耶

邵子聲音繫論

邵子聲音之學本受之天叟先生及至百源研極華山秘傳乃始  
豁然藏一千四藏六于五用天于地以十二與十六損益三十六  
與二十四損益而天地間之理畢矣非世之專以掃二見一爲權  
奇者比也惟以聲音表法最屬微至千古未有解者伯溫西山隱  
老皆曰太陽少陽太剛少剛之數四十陽數一衍之爲十太陰少陰太柔  
少柔之數四十八陰數二衍之爲十二以四因四十得一百六十日月星辰相因爲十  
六以十因以四因四十八得一百九十二水火土石相因亦十六  
十六亦然以十二因十六亦然以一百六十因一百九十二得三萬七百二十是爲動植之全數

細分屬動以自九十  
二因百六十一爲植

于一百六十內去陰柔太少之體數四十八

得一百一十二千一百九十二內去陽剛太少之體數四十得一百五十二是謂動植之用數以一百一十二唱一百五十二得二萬七千二十四以一萬七千二十四唱一萬七千二十四得二萬八千九百八十一萬六千五百七十六是謂動植之通數物有聲色氣味可考而見以類推之一感一應惟聲爲甚故知聲音之數而萬物之數覩矣知聲音之理而萬物之理得矣智曰天聲唱地音和不外乎一在二中而已矣十用七十二用九不外乎四分用三而已矣地音於上去全用者夏秋用時舌齒滿也所謂正寤在

心。天之大寤在夏也。其曰多良千刀妻宮心開丁臣牛。○魚男乃  
外轉也。禾光元毛衰龍。○回兄君。○龜鳥。○乃內轉也。天皆韻也。  
古黑安夫卜東乃走思。口黃口父步兌內自寺。坤五母武普土老  
草口。口吾目文旁同鹿曹口。乃切母也。四因四十。去四十八。四因  
四十八。去四十。是爲天唱地之用音。地和天之用聲。蓋四用三之  
侵數也。一百五十二者。八其七八其十二之合數也。一百一十二  
者。七其九七其七之合數也。天有千六十四者。七其百五十二也。  
地平千八者。九其百十二也。地上去三百四十四者。十二其百十  
二也。地八五百六十者。入止五聲。五其百十二也。天韻無家麻者。

古家麻與烏阿合也。

沈存中曰十二律並清宮管有十六聲。今之燕樂止有十五聲。蓋本樂高于古樂二律以下。故無正黃鍾聲。只以合字當大呂。猶差高當在大呂太簇之間。下四字近太簇。高四字近夾鍾。下一字近姑洗。高一字近中呂。上字近蕤賓。列字近林鍾。尺字近夷則。工字近南呂。高工字近無射。六字近應鍾。下凡字爲黃鍾。清高凡字爲仲呂。清下五字爲太簇。清高五字爲夾鍾。清法雖如此。然此調殺聲不能盡歸本律。故有偏殺側殺元殺之類。雖與古法不同。推之亦皆有理。知聲者皆能言之。蔡西山燕樂書曰。黃鍾用合字。大呂大簇用四字。夾鍾姑洗用一字。夷則南呂用工字。無射應鍾用凡

字各以上下分爲清濁其中呂蕤賓林鍾不可以上下分中呂用上字蕤賓用勾字林鍾用尺字其黃鍾清用六字大呂太簇夾鍾清各用五字而以下上繫別之緊五者夾鍾清聲俗樂以爲官此其取律十律數用字絕聲之畧也一宮二商三角四變爲官五徵六羽七閏爲角五聲之號與雅樂同惟變徵於十二律中陰陽易位故謂之變變官以七聲所不及取閏餘之義故謂之閏四變居官聲之對故爲官俗樂以閏爲正聲以閏加變故閏爲角而寔非正角此其七聲高下之略也聲由陽來陽生于子終於午燕樂以夾鍾收四聲曰官曰商曰羽曰閏閏爲角其正角聲變聲徵聲皆

不收而獨用夾鍾爲律本。此其夾鍾收四聲之略也。宮聲七調曰正宮曰高宮曰中呂宮曰道宮曰南呂宮曰仙呂宮曰黃鍾宮。皆生于黃鍾。商聲七調曰大石調曰高大石調曰小石調曰搗指調曰商調曰越調。皆生于太簇。羽聲七調曰般涉調曰高般涉調曰中呂調曰平正調曰南呂調曰仙呂調曰黃鍾調。皆生于南呂。角聲七調曰大食調曰高大食角曰雙角曰小石角曰搗指角曰商角曰越角。皆生于應鍾。此其四聲二十八調之略也。馬賁與曰燕樂律本出于夾鍾十二兼四清。而夾爲最清。所謂麀麀也。二十八調。萬寶常謂非治世之音。俗又于七角調各加一聲流蕩。恣逸而



祖調亦不獲存矣。智曰：古今皆時爲之也。聲音之微，難以辭顯。鄭  
譯訪七音以蘇祇五，且而知之。萬寶常議其聲太高，非議其七調  
之法也。寶常改絃移柱，變爲八十四調，百四十四律，終于千八聲。  
試令爲之，應手成曲，其聲雅淡，不爲時好耳。豈爲七音四清可廢  
哉？今之齋筭皆存七調，所謂尺上乙五六凡工也。尺生六，六生上，  
上生凡，凡生乙，乙生工，工生五，五生尺，輕之重之，如十六之加清  
聲。此則可高可低。六字輕卽合字，五字輕卽四字，每一調則閉二  
字。閉凡上二字則爲平調，閉尺乙則謂正調，閉五尺則爲梅花調。  
閉六尺則爲絃索調，閉五工則爲婁京調，閉乙工則爲背工調，閉

六上則爲千母調。是七正爲五用也。陳氏以爲駢枝何殊蘇瓊之駁耶。且如周禮圉鍾之樂無商。唐宋二十八調無徵何耶。果如康成祭尚柔商堅剛耶。果如存中云商中聲不用耶。段安昌襍二十八調有上平聲調。則爲徵聲。又曰商角同用。官逐羽聲。此可漫然耶。樂典曰。合奏之羽比于角。徵流于商。官羽中聲爲清角。商羽中聲爲流徵。移官換羽。角必反官。豈不徵哉。琴瑟設而不作。以不知節。誤解合止。祝次遂守六聲。泥習說者。大氏然耳。徵以易準。八九相藏。七八相藏。六七相藏。五六相藏。四五相藏。總之陰陽高下旋用而已。人自有中和聲。但不知節而奏之。故堂上之歌以琴瑟爲

和均鍾以絲絲可數也。緩急易調也。如謂無準不妨截管候氣。或問琴徵表法可聞乎。曰琴者。今音審令心而任之者也。雖謂之禁可也。尚宮卦離。故大琴曰離。絲麗木若薪火。因所生也。長象春日也。上下音合七十二象候也。五分其身以三爲下。參兩也。朱雀象翅。翅八寸。象八風也。腰四寸。象四時也。十三徽。月藏閏也。姜瓖以一至四。岬曰上準。四寸半。象黃鍾子律。四至七。岬曰中準。九寸。象黃鍾正律。七至末曰下準。一尺八寸。象倍律也。每一絃各具三十六聲。宋分濁聲中聲清聲。卽此也。朱子以唐人紀琴。管色合字定官絃。乃下生徵。徵上生商。終于少商。下生者隔二絃。上生者隔

一絃其調也。散聲隔四而合二聲。中暉得四聲。八暉隔三得六聲。九暉按上隔二得四聲。按下隔一得五聲。十暉按上隔一得五聲。按下隔二得四聲。逐絃之五聲。自東而西相爲次序。一與三角與散角應也。二與四徵與散徵也。四與六宮與散少宮也。五與七商與散少商也。皆十暉也。三與五曾于十一暉。羽與散羽應也。其三圖。一尺寸散聲之位。一按聲之律位。一泛聲之律位。文武者言聲也。桓譚以爲文王釋知匠以爲文王武王加非矣。陳暘則謂人溺于二變七始之說。七絃有害古制。則有所不知矣。樂工指法中暉一絃黃鍾按上爲大呂。二絃太簇按上爲夾鍾。三絃姑洗按上爲

仲呂四絃蕤賓單彈之五絃林鍾按上爲夷則六弦南呂按上爲无射七弦爲應鍾按上爲黃鍾清歌聲應節以此爲準

崔遵度泛弓弦亦十三徽因箋琴曰易起于一而成三重六其應也二必于四二必于五三必于六六而三耳琴應亦然氣節相召大絃具之尺絃亦具之豈人力哉劉昺謂爲夏至聲智謂樂貴堂上以絃爲君琴以中徽爲君要以無聲爲大君所貴其用者聲官音哀立庶立志聽思忠義彼能斷續離合以隨人聲兼八音之音焉蓋天地人之器用黃鍾于蕤賓之夏故君子不徽也

從臨岳至龍巖平分爲中卽第七徽君徽也從臨岳至中徽平分

之爲第四微。下半之十微亦然。此四分也。臨岳至四微。又平分之。卽第一微。下半之十三微亦然。此八分之一也。首尾有不用之位。猶之八卦用六卦。四分而用三也。乃以此大四分一者。卽臨岳至四微也。約而三之。去一不用。自臨岳順一微下而盡之。爲二微。別以大四分一者。分之爲五。去四不用。自四微向上盡之。爲三微。復以大四分一者。分之爲三。去二不用。自四微比盡之。爲五微。復以此分而五之。去一不用。自三微比下盡之。爲六微。定後六微。猶前六微也。可知全乘全中。而必以藏一用閏之微爲中。君微至臨岳。以中目爲中。中目至臨岳。以太簇爲中。其夾鍾姑洗蕤賓林鍾四

徵用泛調取定。下半如之。自此之外。不復有聲。蓋四徵以上屬天。十徵以下屬地。中之二分屬人以人用寬。猶之十二辰。人居地用自寅至戌之九也。一徵以上乃天之天。十三徵以下乃地之地。此不用者也。總而言之。皆不用之用。用之不用也。聲非木與絲皆木與絲也。以三百六十度爲琴身。合三百八十四全爻。測之臨岳至一徵得四十八爻。而度則四十五也。一徵至二徵得十六爻。而度則十五也。二徵至三徵得十三爻。而度則十二也。三徵至四徵得十九爻。而度則十八也。四徵至五徵得三十二爻。而度則三十也。五徵至六徵得二十六爻。而度則二十四也。六徵至七徵得三十

十八爻而度則三十六也。八徽至十三猶之七徽至一也。天統地  
統各用四十八爻共九十六而人統專用一百九十二以徽內言  
之則正用四分之三矣。通基亦然。餘五度四之一則九十度內加  
一度半而縮耳。以八分之一者分爲三分分得十五爲一至二徽  
之節。故損三分而爲三徽。益六分而爲四徽。又益十二爲三十則  
五徽也。損六爲二十四則六徽也。又益十二爲三十六則中徽也。  
曰三十六曰二十四曰三十曰十八曰十二曰十五皆數中節合  
之至要者琵琶三絃皆用十三簫笛皆用十二之半音與數適當  
其叶豈非自然之符耶。十二律損益亦自然聲數中節也。但九寸



自起猶之丈絃尺絃皆十三徽七泛耳。愚者歎曰。氣有五音而不見以絃按之而節表矣。口有經緯而不知以字切之而節表矣。性有常而不覺。聖教以事物由之而中節矣。六十卦之節。以制數度。先于議德行也。微哉。天地節而四時成。先以此教德行。卽以此泯德行矣。

問八音八風配卦有說乎。曰五藏于八之例也。金聲尚羽。聲春容而音變。卦兌時秋。其風闐闐。石聲尚角。聲溫栗而音辨。立冬卦乾。其風不周。土聲尚宮。聲含弘而音濁。夏秋卦坤。其風亢。革聲一而隆大。其音講。卦坎冬至。其風廣莫。絃聲尚宮。聲纖微而音哀。卦離

時夏其風景匏尚議聲崇聚而音啾愁冬春卦艮其風條竹尚議其聲越其音溫而濫春分卦震其風明庶木聲一而茂遂其音直春夏卦與其風清明此陳暢本之伶州鳩語及傳注也。

音起于西寔用坤之土氣而發乾之金氣故聲振始終之金奏以金爲主禮曰內金示和也合外內之和也石固土之近金而藏水火者也堅實不動訕然而止故貴之與琵琶在堂曼擊鳴球是也土則埏埴而冲氣出焉亦石類矣土之冲氣寓磬而清者奉乾金矣寓鼓而濁者伐坎坎之北聲此宮君子位者也革去故以爲器而群音首焉鼓無當于五聲五聲不得不和其聲洪而不裂謂之

隱雷其衆器之發歟。革與絲皆取動物之餘也。絲則火附木也。音能離合而不混。拊合堂上。常御琴瑟。合坎離之道也。絲爲君。用南方也。匏爲母。象植物之生焉。竹節直而有制。心虛而通。此利制之音所由出也。匏竹之合清濁。卽艮震之司冬春也。衆音皆兼曲折。惟簫笙琴瑟能隨人聲委悉。而竹聲尤爲流利。不斷國語曰。匏竹尚議其此乎。古義宜和我同聲。詩經漢碑可考也。蓋音惟此與人合宜。得義制而和也。木屬祝。祝一。直之音。能讓衆樂。而能節衆樂。巽居中。呂巳位。故常止于陰陽常行之中也。風主之節八風乎。此其繁耳。用以合調。各輪五音。寧拘拘耶。三才言之。中虛无竅者。天

也中寔者地也有竅者人也天地之聲無多變而人聲萬變琴瑟則天地人之合也金石皆地故用爲始終而祝歌爲樂中之節奏以其地聲節天人也古人但言琴瑟尚宮金尚羽石尚角者舉三天而包地也利制卽商徵也又官用于角羽而商用于徵也樂典所云合奏之羽比于角徵流于商也官羽中聲爲清角商羽中聲爲流徵移宮換羽角必反官豈不徵哉卽以切言喉爲天之天腭爲地之地唇爲天之人三陽以動屬人也齒爲地之人地舌爲地之人天二陰以最動屬天也唇舌牙齒喉有單舉唇官舌商者以言語惟此主用也事也物也理也自然輪配自然流通更翻變化

原不相礙拘執者膠柱而鼓矣不研極者以爲附會矣。

問祝歌六聲何言節奏曰誤三千年矣木聲清直不爲諸噤繞鏗  
鏘所掩故能按拍以節奏樂之緩急猶今十番之板魚也州鳩  
曰葦木一聲又曰葦木以節之非若今言鼓板乎非能一衆聲者  
乎荀子以拊祝控揭爲似萬物而陳氏訛之豈知拊節樂此亦節  
樂者也又一證矣向因注膠合止祝歌爲始合終止耳曾知合而  
止之乃節奏之字法歟板觀木魚中分細觀故有春牘拊相諸器  
春官教春牘如祝小春謂之應以應大春所倡之節又云牘以應  
祝則祝非三聲而畢可知矣牘以竹爲之殺聲使小以節樂歌昔

亦用竹取其聲脆。此又一證也。房庶辨李照胡瑗說曰金石鍾磬也而變爲方響。絲竹琴簫也而變爲箏笛。木祝歌也。貫之爲板。由今之器寄古之聲皆可也。此又一明証矣。貴與亦編九拍版六版于祝歌之後。胡以代朴。唐名樂句。宋以檀若桑木爲之。豈亦祝歌之變體歟。是亦疑之矣。琴有入慢正爲節促轉拍。今不入樂不知板也。獨操之琴猶清度也。板中長短豈可聽乎。琴歌樂錄與箏歌同。桓伊令串合是也。音樂之節卽四時之節。緯曜之節。卦策之節。皆出天然。而人適中之。寧容絲毫強耶。神明會通皆表法也。樂不中節不能成聲。人不中節能成人乎。

等切旋韵約表

脾註 肺詮 唇 舌 腭 疑 溪  
日來 影 匣 曉 邪 心 從 清 精 明 重 滂 泥 定 透 端 疑 羣 溪 見

禪 審 林 穿 照 微 奉 夫 非 娘 澄 徹 知

管子謂五音出于五行此初配位圖也王宗道以  
 牙爲官溫公以四時序配橫圖故以喉爲羽韵會  
 依之章道常又改其半智按漢書羽聚也爲水爲  
 智樂書曰聲出于脈而齒開吻聚此爲確證今微  
 傳朱子法以河圖生序唇舌腭齒喉爲羽徵角商  
 官律生之待黃鍾上旋南呂回旋自然符合卽鄭  
 漁仲所明七音韵鑑也  
官如翁齒如抵羽如補古  
讀底底提匙通用可證  
 究竟五音之用全不拘此等切字頭端幾係焉初

譯之時取中土字填之孫炎反切與婆羅門書之十四橫貫適相符通呂介孺曰舍利定三十字守溫加大反紐序神珙撰內言沈約升庵云珙在北魏何引約耶既無知者相沿守訛真空玉鑰見前人反切不合增立門法豈知各時之方言異乎洪武正韻改沈約矣而各字切響尚襲舊註智因作例明之詳見聲原

端幫精三列皆兩層而見曉二列止一層故置兩頭又從開激而至合口如華嚴始快悉曇始迦耶蘇始了也了義初排人未明其故耳首腭終喉列一層舌唇齒列二層者舌齒相通腭唇喉相通也疑泥明心皆喉其猶土旺四季平天一生水三生木丑生土三



陽同類故腭唇喉相通地二生火四生金二陰同類故舌齒相通此槩也聲無非喉而唇爲總門腭爲中堂故宜其近齒爲中門舌爲轉鍵獨能出入靈動與齒相切來日二變實符挺應來乃泥之餘日乃禪孃之餘此徵商之究官也徵商會于知而官角羽會于疑影微唇司開閉舌爲心苗冲氣輪于丹田而上竅于鼻官徵羽爲三統出角比羽而清終夾鍾以折攝之二用五以三統之參用兩宮以一用六也河圖變金火爲洛書吾以悟金聲風火之橐籥矣愚者智記

見 君公剛光孤于今

發送收三聲啞嚙上去入五聲定論也中

溪羣空康匡枯看琴

上用二十母足矣外域知七音而不知啞

疑云頗昂王吳巷陰

啞上去入金尼亦言入中土乃知之即古

端顛

知折珠其張

韵亦平仄互通者也

透定

徹澄除與昌

細別知以舌卷舐中腭而照乃伸舌就上

泥能

孃攝殊神商

齒內而微縮焉智謂若瓊專之類也孃則

幫賓

非

嘗穰之間耳疑喻之分謂疑用力斬腭聲

滂並平

夫奉

橫牙間而喻影但虛引喉與腭無涉也儀

明芒

微萬物

禮疑立即疑立故僣疑从之如真是以存

精專租

照專遂諄莊

影然疑疑則同泥矣其以角收轉爲宮發

清從粗

穿牀觸春窓

乎智攷孫陸干安恩等昂等俱用五字烏

心邪蘇

審禪熟純霜

字作切響而今半作腭聲果占未精但趨

影喻翁侯

近似耶

曉匣烘稀舌上正齒相通  
縫唇會官角羽

吳音呼照如皂呼床如藏則同精從矣度

◎噤恩過

譜曰知字真吹切之字舌不抵齒枝字舌

來商  
共二十六母  
不用非◎則

抵齒而顛聲既已有此別音即當存此音狀

日兒如辱廿四也合知  
照則廿一也

徹穿對較當是折徹攝與穿拴之別

◎為喉根而非微乃外唇最微者非夫皆送氣聲以非最輕標外唇之起耳微用最少惟萬物無文問味等中原人多讀溪喉影母吳人或切焚扶又混夫矣智按萬物至微故取此聲無與靡設莫蔑轉漢書現撫卽模可証也

縫唇無初發聲深淺喉無忍收聲惟商用腔收而竟發不用此一理也今表◎爲折攝中輪非爲外唇風始故存二十六切寔二十四若通知照則二十一也直法二十母以影喻合疑而以曉居失微之初此如琴徽取其響者紀法也琴徽空度有不得聲者詎廢度乎平上去三十六韵而入止得十八韵然歸入皆可重乎今欲分知照者亦可重呼也

議增母者爲述狀粗細不同也今分注其下因決曰真與神諄春純張昌商莊窗霜則知母之粗細狀耳商徵之間是一中聲也剛康昂光匡王角有二狀何不二列乎它韵更述如東之中專收知狀蕭之超微收穿狀也

不聿謂筆於范謂虎終葵爲椎俠累爲傀軒轅爲韓奈何爲那何莫爲盍合音古矣然切叶之道今日明備聖人禮樂甚精而叶切用渾時也後人詳之時也許而訛謬不得不更詳定之時也有開必先聖人留象數律歷呼吸翕開爲徵亦已明矣書鏤棗紙撈弱絮木棉飲芥露詩至長律書至行草皆潤潤緬志之源江河金魚火鳥之補天漢也何必定以古人掩後人乎

○開空平

枰

○承墜平

平

○轉上

品

○縱去

聘

○合人

匹

見溪

解疑影并疑

知照

穿審神

曉夫

非微來日

知照第二層互用  
兼讀稜同日讀審同審

吳勿清陳晉翁熊與可趙凡夫皆款加母以迄收不明也呂獨抱  
吳敬甫皆廢門法張司業定二十字李如真有影括二十一謂平

端透

定泥幫滂

並明精

從清

心邪

皆陰陰陽互根則全陰全陽矣

平上去入以一統三則曰平仄仄無餘聲聲皆  
平也平中自有陰陽張世南以聲輕清為陽重  
濁為陰周德清以空喉清平為陰以堂喉濁平  
為陽智故以空喉定例便指論耳○郝京山以  
四聲後轉一聲為五何如此乎西儒謂之清濁  
上去入故曰翁嬰公東綳五聲也開承轉縱合  
亦五聲也陰陽清濁輕重留為泛論權以枰為  
細聲涼為粗聲兵為發聲枰為送聲濁則大人  
尖則重子○本以無聲為陽有聲為陰用則聲  
發為陽發則開陽闔陰字頭陽而尾陰宮商角  
陽而徵羽陰官角羽陽而商徵陰又宮陽而餘  
皆陰陰陽互根則全陰全陽矣

有清濁仄唱不用故以清兼濁此即指腔論聲也但未明前人

何以訛耳蕭尺木取張說也

初發

幫羽

發端微

聲送氣滂羽

送透微

悉收

明羽宮

收泥微旨

收聲商微合官

發聲

見角

發精商

送

溪角

送清商

收

疑角官

收心商官

轉發

曉淺官

發知微商合

送

送

夫官利合送聲微商合

⑤

略近恩翁而

唇舌腭齒俱

不動

既為聲本

即為聲餘

收

徵

官利合收

審

徵商合直收

餘目

商徵合官

智初因邵入又于波苑摩得發送收三屬後見金尼有甚次中三等故定發送收為橫三聲墜上去入為直五此天然妙叶不容人力者也是名優風觸七處中土不用◎而無不用所謂折攝鼻腭輪也作南是

論古皆音和說

切響期同母

一字切上

行韵期叶而已

一字切下

今母必粗細審其狀焉

粗

細兵粗登細丁狀則公

韵審啞嚙合撮開閉焉

合如翁鳥撮如春全開如哇當閉如

干干見鳥恩于影也侵監又有偏阿如鍾光舌抵如支珠之類舊以

指南于切母一定

周以聲合韻要

卷之六

早用

者反通其所不必通于行韵可通者反限定于一格且自矛盾不  
畫一也詳攷經傳史漢注疏說文沈孫以至藏釋皆屬音和但于  
粗細不審而舌齒常借唇縫常混耳此各填其方言或各代之口

吻然也

吳越子紙專擅不分南康匡腔反用麻城以荒為方建昌勸鋋為一江北都堦不分齊秦率帥不分山西分風及稱

廣中頭桃留樓元完不分閩中尤駭然古已有之如砥柱音止孟子作周道如底字家分底底鑿說也提青題而好人提提與朱提縣音時方旁無模之相轉則以諧聲譯語知之灌夫傳首鼠兩端西羌傳鄧訓傳皆用首施兩端注猶首鼠也則今之吳語也詩混夾兒矣即昆夷而又作申夾如此之類甚多存舊法攷古今可也豈守其混與借以立

法哉日月燈與字彙四法仍為前惑者也二十門纏繞無論且以

類隔門言之謂以端母切知○母切端

如都江切橋字丁恭切中字濁甘切談字陵經切丁



字此不過因係恂椿字一切也然四切已違其三矣

唐韵椿都江切而中則陟

弓切談則徒其

都江切椿非古讀都如諸則訛耳

者古音渚故諸

唇音除蓋中國以所習字譯之譯時不作休除而作唇以當時讀

有舌頭舌上

攷說文椿啄江切韵會椿株江切非確證乎

椿从春聲說文

二種之聲 春書容切韵會初江切以制軌旁春之𡿨音窓也古江如

至于陟

經切丁則尤可噴飯詩伐木丁丁陸德明釋文丁陟耕切蓋讀如

錚也指南乃以丙丁之丁附此門法究哉

孫叔然以來卽有經堅丁顙等轉法指南鄙之豈知其理乎聲爲

韵迤其狀卽異惟真溫庚青一韵聲多于翕開嘻縫撮偏忍送之  
狀字字皆備其次惟先天之韵然已不如溫亨之盡矣旋韵真青  
正當春秋二分之候故其聲和平自然相應以此調唱其竅自諧  
春秋之用豈人力可思議者哉先天本從真轉古通一韵今中和  
立南北之極而旋元適以先天合和亦用三餘一之符乎

何謂真  
先通曰

國策陳軫史作田軫陳敬仲世家作田敬仲荀子田仲史鮑卽陳  
仲子詩應田縣鼓宋書引作應陳縣鼓左傳渾良夫乘秉甸兩牡  
陸德明音甸之証反說文顛顛闌以真爲聲煙煙以甄爲聲馴  
以川爲聲說駢以先爲聲孫堅謂甄井同名後乃呼甄華嚴字母  
第八列因年天文魚列可知西音亦然又如沈韵元與鬼痕爲一  
漢志同並縣並音伴智按古有讀半爲笨者吳元滿滿音猛滿音  
門亦足証矣

而無其字故成公呼見于

攝六十韻旋



邵子曰韵法闢翕律天清濁呂地  
先閉後開者春也純開者夏也先  
開後閉者秋也冬則閉矣啣凡冬  
聲也晁公武曰一行撰五音新書  
以人姓五音驗八山也卦影用之  
心幾之徵乎竹西曰元會呼吸律  
歷聲音無非一在二中之交輪幾  
也聲音之幾至微因聲起義聲以  
節應節卽有數故古者以韵解字  
占者以聲知卦无定中有定理故

適值則一切可配樓析而有經緯故旋元則一切可輪因此表之原非思議所及

切母各狀

官倡

羽角總

商和

徵商總

唇腭激喉多用鼻轉舌齒折攝止用腭穿

奔

兵

幫細

喉腭唇以唇最動故領官倡

登

丁

端細○舌徵以舌最動故領

烹

平

滂細

騰

汀

透細

商和

門

明粗

明

能

泥粗

寧

庚

見粗

京

肱

見粗

君

角宮四狀

倫

零

來細○來乃泥之餘

阮

溪粗

輕

坤

溪粗

羣

尊

精粗

精

恩

疑粗

因

溫

疑粗

云

腭收

寔

清粗

清

亨

曉粗

欣

昏

曉粗

熏

卽爲喉發

孫

心粗

心

氛

非

分

夫

諄

知粗

真

文

微無粗狀

○唇起唇收

春

穿

眞

微

○知照微穿二列止有真諄

醇

申

二狀

忸

如狀

人

日無細狀而有人如二狀乃禪之餘

唇腭激喉在中爲一類

舌齒用喉穿外爲一類

二十五狀

二十二狀

七風六用五音二變槩也約爲官倡商和而已凡音在唇腭中皆

謂之官音穿齒外皆謂之商無非鼻竅也而羽角合官用鼻爲多

無不自腭也而徵商交用自腭穿出嘗玩河圖三陽二陰分類互

根其始幾乎列則以生序輪序言之今譜則天倡地和分類辨之特合真文庚青一韵而指其各母之異狀焉大畧皆有粗細二狀而見溪疑曉則有四狀舌齒之合約爲徹穿來隨泥後日隨禪後皆自然不可強之序也

調唱者若以腭喉四狀分爲四種而復分開口合口則每韵八聲矣聲爲韵迤多無其字并不得聲通紐大窘從而併之取所用者表之此卽前用之理也學者先調喀嚙上去入次明發送收次明粗細迤狀次明翕闕穿徹皆有清濁輕重焉思過半矣

幾表六卷終